



Inatsisartunut ilaasortaq
Andreas Uldum, Demokraatit
/ maani

Sulinermt ilanngaata akileraartarnikkullu pissutsit allat pillugit § 37 naapertorlugu apequtigineqartunut akissutit

30. december 2013
Sagsnr. 2013-093915
Dok. Nr. 1433943

Asasara Andreas Uldum,

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Sulinermt ilanngaata akileraartarnikkullu pissutsit allat pillugit apequtigisannut qujanaq. Naalakkersuisut akileraartarnerup iluarsartuuteqqinnissaanut aamma pilersaaruteqarput, tamannalumissaaq akissutigisanni takuneqarsinnaavoq.

Apeqqut:

1. 2012-imi Inatsisartut ukiakkut ataatsimiinneranni aalajangiisoqarpoq sulinermt ilanngaatip eqqunnissaa pillugu Naalakkersuisut nassuiaasiussasut. Taamaaleerpat nassuiaat Inatsisartunut ilaasortanut agguanneqassaaq. Naalakkersuisut nassuiaatip qaqugu agguanneqarnissaa naatsorsuutiginerlugu?

Akissut

Taamatut nassuiaateqartoqarnissaa pillugu aalajangiiffigisassatut siunnersuut taamanikkut Inatsisartuusunut akuersisutigineqarpoq, taamatuttaaq siusinnerusukkut Naalakkersuisuusut iluarsaaqqinnissanik pilersaarutaat innersuussutigineqarlutik.

Qinersisoqareermat Inatsisartut Naalakkersuisullu nutaat atuutilerput, taamaamallu iluarsaaqqinnissamik pilersaarutit nutaat maannakkut piareersarneqarlutik. Taamaammat Naalakkersuisut namminersortunik akileraarusiisarneqarnerup peqqissaartumik nalilersorlugu misissorneqarnissaa kissaatigaat. 2014-imi ukiakkut ataatsimiinnermi maannakkut akileraarusiisarneqarnerup allangortinneqarnissaanik nassuiaat saqqummiunneqassasooq naatsorsuutigineqarpoq.

Apeqqutit 2-6:

2. Naalakkersuisut naatsorsuusioqquneqarput takutillugu sulinermt ilanngaata tusind koruuninik X-nik annertussusilik eqqunneqassappat tamanna Nunap Karsianut qanoq akeqassanersoq? Kissaatigaara akissut kisitsistigut takussutissiannorlugu suliarineqassasooq, taamaasilluni takuneqarsinnaaqullugu Nunap Karsianut annaasaq qanoq annertutigissanersoq ilanngaata 1000 koruuniungaangat qummut 20.000 koruunit angullugit.
3. Isertitanut akileraarutip procentpointimik ataatsimik appartinneqarneri tamaasa tamanna landskarsimut qanoq akeqassava?

4. Landskarsi qanoq iluanaaruteqassava sulisartut peqatigiiffiitut akiliutip ilanngaatineqartarnera peerneqartuuppat?
5. Landskarsi qanoq iluanaaruteqassava inummut ilanngaat 1000 koruuninik apparneqaraangat aamma paarlattuanik landskarsi qanoq annaasaqartigissava inummut ilanngaat 1000 koruuninik qaffanneqangaat?
6. Landskarsi qanoq iluanaaruteqassagaluarpa ilanngaat naligninnaasoq 10.000 koruuninik annersussusilik peerneqartuppat?

Akissut:

(Apeqqutit 2-miit 6-imut ataatsimoortillugit akissuteqarfigissavakka.)

Iluarsaaqqinnissat ataatsimoortut tamarmiusut sulinermut ilanngaammik ilaqassappata nalilersorlugu misissorneqassaaq nunap karsianut annaasassat qanoq annertutigissanersut.

Kisiannili sulinermut ilanngaat taannaannaanaviangilaq. Taamaammat nunap karsianut innuttaasunullu aningaasartuutissat naatsorsorneqassapput, ilanngaatit akileraarutissallu ilanngaasikkat allangortinnissaannut allanut peqatigitillugit. Tamakku pisartakkanik tapiissutinillu peqatigitillugu iluarsaaqqinnerit sunniutissaannut ataqatigiissinneqassapput.

Taamaammat Naalakkersuisut iluarsaaqqinnissat ataatsimoortut tamarmisut sulissutiigaat, innuttaasunut akileraartarneq taamatullu pisartakkat tapiissutillu paasiuminarnerulersinneqassammata. Akileraartarnermik iluarsaaqqinnerup tamarmiusup ilaasa atasiakkaat soorlu ilanngaatissat assigiinngitsut akileraarutinilluunniit allangortitsinerit suliarineqarnissaat pissusissamisoornaviangilaq, tassami iluarsaaqqinnerup ilaani allani taamatutaaq isertitaqartoqassamat, ileqqaartoqarluni aningaasartuuteqarluniluunniit.

Iluarsaaqqinnissat ataatsimoortut – taamatutaaq akileraartarnermik allangortitsinerit – taamaammat ataatsimoortillugit isigineqassapput, nunatta aningaasaqarneranut tamarmiusumut taamatullu innuttaasut atasiakkaat atugaasa naatsorsuutaannut sunik sunnuteqassanersut ataatsimut paasisinnaajumallugit.

Akileraartarnerup allangortinneqarnissaanut atatillugu naatsorsukkat nassuiaallu apeqqutigineqartut siusinnerusukkat taaneqareersutut 2014-imi ukiakkut ataatsimiinnissamut piareersimassasut naatsorsuutigineqarpoq. Naggasiullugu ilisimatitsissutigineqassaaq naatsorsuinerit annertuut, ajornakusoortut nukissartornartullu ataatsimut isigalugu pineqarmata.

Inussiarnersumik inuulluaqqusillunga


Vittus Qujaukitsoq

Aningaasaqarnermut Nunamullu Namminermut Naalakkersuisoq